

痢證匯叅

上海千頃堂書局
印行

痢證匯參卷之六

海虞吳道源本立纂輯

同里

王式金聲谷評定
劉文思庭輝參訂

王式金聲谷評定
劉文思庭輝參訂

同校

產後痢總論

御纂金鑑云。產後痢者。名產子痢。多因飲食不調。貪食生冷。或起居不慎。衝寒冒暑所致。若腹中疼痛。後重裏急者。屬有餘之證。若日久虛寒滑脫者。屬不足之證。痢色焦黃稠粘。多屬於熱。清稀澄澈如鴨糞者。則屬於寒。治之之法。熱者清之。寒者溫之。冷熱不和者。調之。虛者補之。實者瀉之。虛實新久之間。宜細心詳參也。

熱者清之。宜槐連四物湯。即四物加槐花黃連。以清熱而兼腸也。冷熱不和者。調之。用黃芩芍藥湯。即芍藥連歸芍木香肉桂甘草檳榔。痛加大黃。虛寒滑脫宜溫而固澀之。宜真人養臟湯。日久不止。氣血大虛者。十全大補湯。外感風寒成痢者。宜敗毒散。若因暑濕致痢。香連丸。若敗血滲入大腸而成痢者。加阿膠地榆烏鰂骨。

郭嵇中濟陰綱目云。產後氣血大敗之候。腸胃怯弱。寒熱易侵。若未滿月。飲冷當風。乘虛襲於盲膜。散於腹脇。或腹痛作陣。錐刺之狀。則敗血流入大腸。水穀

產後痢
症此一
條當細
參

不化洞泄腸鳴。或下赤白。肚脇填滿。或痛不定。急服調中湯立愈。

陳無擇曰。產後痢疾。非止一證。當隨其因而調之。既云飲冷當風。何所不至。寒熱風濕。本屬外因。而喜怒憂思。遂從內性。况勞役飢飽。皆能致病。若其洞泄。可服調中湯。赤白滯下。非此不能愈。各隨門類治之。

大全云。產後痢疾。由產勞傷臟腑。日月未滿。虛之未復。或勞動太過。誤吞冷物。或行走太早。外感風冷。乘虛入於脾胃。致令洞泄。甚者變為痢疾。若滲入大腸。即成血痢。難治。若飲食不進。下痢無常。日夜無度。產後本虛。又加痢頻不止。益增其虛。倦怠瘦乏。謂之虛羸。下痢恐成羸勞。又有產後氣不順。下痢白膿。謂之氣痢。法當調氣。

仲景謂一婦產後七月。秋初滯下。腹痛脉微而軟曰。此氣虛不能運化精微。其痛窘迫後重。乃氣下陷也。以升陽散火湯加減。繼以補中益氣湯加砂仁數貼而安。又一臨產滯下。用以黑山梔為末。每服五錢。空心滾水下。甚者二服即安。凡痢脉弦數者重。微弱者為欲自止。雖發熱不死。

治一婦產後五月。腹痛下痢。用薑汁以黃連一錢。白芍三錢。黃芩扁豆各二錢。蓮肉枳殼各三錢。陳皮葛根各一錢。炒紅麴二錢。炙甘草一錢。烏梅二枚。甫服一鍾。藥行至腹。即一次痛亦隨已。滯下而安全。

此條與
郭氏相
表裏

妙訣

語語仔
細字字
斟酌

此法亦
總

明者所
見略同

薛古蒙曰。產後氣血大傷。喜吞生冷。瀉痢齊作。鮮不危殆。治當溫補。勿拘拘以
滲濕分利。反召虛虛之禍也。審係傷食所致。則用四君子湯。察其所傷何物。分
別而消導之。若見嘔吐。加藿香。若係虛寒。完穀不化。或去清水。手足厥冷。用調
中湯。若瀉痢色黃。乃脾土真氣。宜加木香。肉果。若脾土虛寒。八味丸以補土母。
若小便澀滯。四肢浮腫者。須補脾胃為主。久不愈。腎氣虧損也。用四神八味之
屬。經曰。痢而作渴者。但止其渴。痢自止矣。

鄭文康曰。產後痢疾。脉細小者生。洪大者死。凡產後痢。兩手脉絕。細細尋之。微
見附骨者。即以無事斷之。蓋產後之脉。沉細者生。何況產後痢疾。脉尤當細也。
痢見赤白。胃苓湯可以治之。此藥服之。亦可消導。切不可用芍藥湯推蕩。如惡
露未盡。胃苓湯加桃仁。不發飽。加紅花當歸。蓋山查足以消積破瘀。恐其消尅
太甚。但用神麴可也。若惡露已淨。胃苓湯加半夏神麴足矣。

赤水元珠云。下痢墮胎。腹滿少食。脉虛痢不止。手足厥冷。用酒炒白芍五錢。滑
石三錢。焦白朮二錢。蒼朮二錢。乾薑二錢。茯苓二錢。訶子肉二錢。為末。調下保
和丸。

錦囊秘錄云。產後腹痛痢疾。由腸胃虛怯。寒邪易受。故腹痛。水穀不化。下痢赤
白。急用調中湯立效。若非外感所傷。必是腎虛虧損。陽虛不能生土。陰虛不能

亦不定
屬元症
在用藥
中歟耳

舍此誠
無別法

用外治
法更穩

閉藏耳。必用四神八味以補腎。倘誤用分利消導之藥是益虛其虛矣。可不慎歟。

準繩曰。產後痢疾死多活少不甚者尤可施治。若瀉比於痢則痢尤為難而瀉則易治。大抵瀉者補脾土為主。而消食藥佐之。痢無外邪者扶脾補腎消積而瀉。以補血藥佐之。加膠艾丸之類。蓋痢多下血。產後血虧。蓋用補血之藥如瀉不止。四神丸如氣虛下陷。補中益氣湯瀉痢止。更酌用四物湯之屬。

辨證錄云。產後下痢厥逆躁不得眠。俱是死證。蓋下痢亡陰。厥逆亡陽。也是難救。况躁不得眠。是血無以養心也。而厥更不止。則汗自出又無已也。欲不死可得乎。我欲於死中求生。舍人參當歸再無別藥。名曰參歸湯。用人參一兩當歸二兩。荊芥二錢。水煎服。當歸生氣血。而以生新血。則舊血去而新血益生。自然有血以養心。則厥可定。而心可安。躁可釋也。

又一產後痢。加之呃逆必死之證也。蓋下痢亡陰。產後尚非所宜。何況氣血大敗之候乎。今加呃逆。胃中有火。遏抑拂亂。而氣血更虛。勢必致胃氣之絕。不死何待。然而胃氣尚有一線未絕。即可救援。吾有一方。不必服藥。即治噤口法。稍為更易。將活田螺一枚搗爛。入麝香一厘。吳萸一分。為末拌勻。掩在臍上。紮緊。則引火下行。呃逆立止。蓋產後下痢氣血大虛。不可用驅濕散火藥。益虛其虛。

產後痢
緣由亦
不外此
三項

要語

故用此法。嘔逆止後，以當歸一兩，白芍三錢，甘草一錢，枳殼三分，檳榔一分，水煎服。醫通云：產後痢疾有三：一者因胎前患痢，產後不止，昔人謂七日必死之候也。若產後其婦壯實，元氣未敗，脈有胃氣，能進食者，俊龍肝湯加減，隨證治之，多有效者。二因產時臍腹受冷，飲食不化而腹羸，或惡露不行，理中湯為主。白者加吳茱萸、木香，赤者加茯苓、肉桂。三則產後或有誤吞生冷，或臨產飲食過飽，瀉痢齊作，亦宜理中湯。白者枳實、厚朴，赤者加山查、香附、麩糖，再加入人參、肉桂。間有熱痢後重，白頭翁湯，以甘草、阿膠湯清理之。如惡露未淨，痢久不止，腹痛後重，補中益氣湯升舉之。大抵產後下痢，惟顧慮元神調和氣血，則積滯自下，惡露自下，不然較難，娠更難，照顧也。

孫文垣治程氏婦，小產後已二十日矣，忽患痢，一日十餘次，怯寒惡食，小腹脹痛，診之，又脈滑大，知其虛中有熱，想必惡露未淨，故小腹脹痛。有專泥丹溪產後大補氣血證語，緊施之，因而作痢，乃翁曰：病尚怯寒，何云有熱？垣曰：惡寒非寒，明是熱證，由熱而自寒也。服藥後嘗用之，以當歸為君，滑石、酒炒芍藥連為臣，木香、桂皮、檳榔為佐，酒炒白芍為使，服之果去惡食甚多，黑臭難當，小腹頗寬，口乾，小便不利，惡心不食，疲倦，仍裏急後重，以人參、白朮、川芎各一錢，五分酒炒黃連、陳皮各六分，木香二分，外以清六丸服之，痢減十之八九，但大便秘不實，虛

怯惡心仍在以四君子湯加炒白芍陳皮木香肉果酒炒黃連當歸調養而安
李修之曰婦人經行產後誤食生冷惡血不行凝滯於內侵腸間而成痢疾純
下紫惡血脈見芤而細結促此瘀血痢也法當去瘀生新當歸桃仁丹參之類
劉宗厚曰產後痢疾年餘形體骨立內熱晡熱自汗盜汗口舌糜爛日吐痰三
椀許脈洪大重按全無此命門火衰脾土虛寒而外假熱也痰者脾虛不能統
攝歸源也用八味丸補火以生土用補中益氣湯兼補肺而脾胃健
滑伯仁曰產婦誤吞雞子腹中作痛而色青黃服平胃二陳更下痢赤白腹脹
服流氣飲子又見小腹一塊不時上冲飲食愈減此脾腎虛寒肝木剋侮所致
以補中益氣湯加木香吳茱萸服之漸愈又用八珍大補兼服調氣藥而愈
薛古蒙曰產後痢疾若渴而不喜冷飲屬胃氣虛不能生津液宜用七味白朮
散若夜發熱口渴屬水弱而不潤宜六味丸作湯服之佐以益氣湯以滋化源
本事方云治產後痢疾諸藥不効一日五十行用杉木中蛀虫屎炒黃為末飲
湯調服立驗又云用羊脂炒薤白食之立瘥

痢證匯參卷之七

小兒諸痢總論

小兒諸痢治同大科惟驚痢疳痢乳食痢痘後痢虫痢小兒則有之大人則無

脾知照便
思過半
矣論得確
切第用
藥亦不
專消導
宜清補
安施焉

痢兼作。莫重於痢。若以風食治之。則得之矣。宜羌防以解表。柴苓白芍以定寒熱。薑炒黃連以清其火。檳榔枳實麥芽以消其食積。則瘡痢自止矣。錢仲陽曰。小兒瀉痢黃白黑者。皆熱也。瀉痢清白。水穀不化者。寒也。凡小兒手足指頭熱。無論赤白。喜冷飲者。皆實熱。宜胃苓湯。若體重肢痛者。濕熱傷脾也。宜升陽益胃湯。如小便不利。陰陽不分也。宜五苓散。若濕退而痢不愈者。脾氣下陷也。補中益氣湯。倍加升麻。瀉痢兼嘔吐。腹中作痛者。脾胃虛寒也。升柴散加炮薑木香。若積已去。仍不止者。脾氣虛也。四君子湯加肉果。有熱加炒黑地黃。如此調治。無有不愈也。錦囊秘錄云。小兒不知飢飽。保育之恩。在於父母。奈情深姑惜。不知宿食未消。新穀又進。藥之忍兒口苦。節之忍兒餓腹。致傷脾胃。蒸釀成積。腹痛下痢。飲食不思。變為痢疾。積滯治宜消導。蓋脾氣不運。則氣不流行。氣不流行。則停滯為積。或為瀉痢。或為痞滿。飲食不進。五臟無所資稟。氣血日漸虛衰。是危者多矣。故必消而導之。輕者用和解之常劑。重者消積之湯。如磨積散。保和丸之類。神效麥芽青皮厚朴之屬。

準繩論小兒瀉痢。亦云。先瀉後痢。曰脾傳腎。為賊邪。難愈。先痢而後瀉。曰腎傳脾。微邪易醫。千古不易之法也。以余論之。瀉為在脾。不假言矣。而痢在腎。不能無議哉。瀉固多由於飲食。而痢獨非飲食所傷乎。飲食停滯。濕熱不化。遂成稠

此論甚
駁的必

此等議
論宜斟
酌用

濁膠於腸胃欲下不下。後重裏急。明是脾經病也。而顧以痢屬腎者。何謂歟。吾未聞飲食之入。不由於脾。而由於腎也。既云腎病。治痢之藥。悉用蒼朮厚朴黃連木香陳皮白朮之屬。並未有杜仲牛膝熟地補腎之藥。以治腎家之病。而乃用脾家之藥。必非腎病故也。要知先瀉後痢。而難愈者。因其脾土先壞。而積滯方壅也。豈脾傳腎之謂耶。先痢後瀉之易愈者。以其積滯已盡。而脾尚虛也。豈腎傳脾之謂耶。蓋腎但能藏精。不能藏飲食。若痢屬腎。飲食皆藏腎矣。豈理也哉。蓋久痢者。腎必虛。未按小兒脾胃虛弱。切不可下。下之更虛。必然津竭。作渴浮腫。丁奚諸症作矣。亦不可驟補。補則熱蓄。能令脫肛。治宜養胃調氣。分利消積。後重裏急者。分理陰陽。與厚腹胃藥。如腹痛。行氣化積。初起有表邪者。汗之。腹痛不止。白芍湯和之。氣虛下陷。補中益氣湯升提之。虛滑者。訶子澀之。御纂金鑑訣云。痢病日久。頻下痢。多緣腸胃熱凝滯。或赤或白。腹窘痛。香連導滯為妙劑。

痢病之證。乃外感無形之暑濕。內傷有形之積滯。熱結於腸胃。而作痛裏急。後重而不通。無論痢之赤白。量病之淺深。急攻有餘。以利為快。每使久延。致傷脾胃也。宜香連導滯丸。外臺秘要云。痢者。小兒病癖。或久瀉嘔吐。醫投轉過之藥。小兒易為虛實。致胃虛怯。而亡津液。則內發虛熱。外消肌肉。一臟虛則五臟皆

漸而虛其病形。目胞腫面黃。臍凸腹脹滿。痢色如常。漸加瘦脊。久不愈。是腸胃有風積。法當宣風散導之。後各依本臟補其母。

驚痢

張三錫治法彙云。小兒受驚日久。頭汗喘息。煩渴潮熱。睡中覺腹內跳動。瀉下白脂。或豆汁狀。或如草汁。宜量與辰砂丸疏導。調氣和血。宜青金丸。如氣逆嘔吐。絕不思食者。用鹽水炒黃柏為末。神麴糊丸。如菜豆大。每服二十九。小兒純陽之軀。如用肉桂。務必斟酌。恐有痰火蘊蓄。反觸動其驚也。大凡小兒痢疾。治與大人相等。但丸散少差耳。大法初起有表證者。敗毒散。表邪既除。當審積滯微甚。察其所傷者何物。治之日久不愈。當理氣血。以胃氣為急。扶其胃氣。當日臻勝境。如果積滯已淨。大便未寔者。養胃藥內。略帶止斂。如肉果訶子。烏梅。金鏡訣云。積因停滯在宮中。乳食虛驚。氣所鍾。腹痛面黃。晡作熱。疳羸煩渴。瀉流通。飲食不化。酸腥吐覆。卧煎熬兩日。紅急用香連消積劑。莫教日久致投室。又云。脾屬陰。分胃屬陽。一身墻壁在中央。土生萬物。須和暢。一有虧。今雜病干。或吐或膨。時瀉痢。或煩或渴。不加餐。常吞助胃溫脾藥。生冷休吞。體自安。又云。骨熱頭焦。五臟疳。胸煩口渴。髮毛乾。肚高脚細。牙疳爛。遍體生瘡。瀉痢頻。喜食壁泥。生米穀。茶炭烟脂。任意食。五疳消積肥兒散。脫甲同投。便可安。

補氣為
治壯者
要訣

不治歌

大孔如筒脉洪數發熱不食兼作薄瀉下混如爛魚腸豆汁屋漏水相錯汗出如油啼不休腹痛口乾陰囊縮或如癰膿雞子臭有藥莫投買棺槨

瀉痢脫肛

乾坤生意云小兒氣虛久瀉久痢或叫號氣耗而致腸頭脫出治宜升舉兜澀然大腸者肺之腑也肺寒而致大腸頭脫下宜補中益氣加樗皮之類是升舉之中兼澀也指掌訣云小兒食積因成痢初起必當先導滯赤者屬血白屬氣紅而散者從傷治下如五色定難醫痢久脫肛宜補氣若還發熱不加餐從來見此終歸斃大凡小兒痢疾飲食不調而成者居多焦黃穢臭者熱甚白如凍膠鼻涕者寒甚赤而散者為傷治傷以治痢治或尋愈治傷以痢未有愈者宜調脾胃養胃湯補脾飲之類痢愈而傷亦愈矣片王新書云小兒肛頭脫出此由瀉痢深沉氣虛下陷不能升冷熱不和交併裏急後重難使用力氣過傷神肛頭被冷寒乘不得收還內進要識脫肛證治養血調氣合宜芎歸白朮與黃芪白芷人參赤白脂槐角建蓮山藥龍骨五倍隨之研細合成九子兒務必陳皮湯吞

瘡痢

小兒瘡痢兼作重在於痢若以風食治之則得之矣宜羌活蘇葉以解表薑炒

言下了

即不食
不乳已
經難治
不必兼
種種壞
症

論得清
楚

黃連以清火。檳榔枳實零牙以消其食。蒼朮一味不可多用。因其氣雄。加行疫痢。忌用人參。邪未清者。用之立斃。嬰兒寶鑑云。夏末秋初。忽然暴冷。折於盛熱。無可發洩。客搏肌中。發於外則成瘡。傳於內則為痢。內外俱發。則為瘡痢。皆因營衛不和。臟腑俱弱。冷熱之氣客於腸胃。或吞生冷。亦積於中。復為濕熱所傷。有傷氣傷血之分。痢有赤白二色之異。治之者必辨其虛實寒熱。亟為調治。若痢久失治。必成腫滿。上焦下結。下焦偏冷。重蒸於肝。則眼昏生翳。變態百出矣。

不治歌

痢頻不食。唇枯目紅。下痢全黑。嚙乳不通。遍身冷汗。大孔如筒。喘粗腹脹。囊縮命終。痢如膠漆。散大神瞳。喉間壅塞。否脹心胸。形瘦項軟。血黯如膿。神思倦怠。口臭痰膿。渴常思飲。面肥脉洪。眼澀白膜。足冷唇紅。轉側不穩。痢血蠶虫。

疹痧後痢

痧疹辨疑論云。小兒先患瀉痢。未曾分利清解。一遇天行時氣。而發痧疹。未及清解。邪熱內趨。而變痢。或紅或白。日夜無度。禁用止澀收斂。治宜升散。或加減四苓湯。加升麻甚者。解毒分清飲。腹痛用黃芩芍藥湯。無大熱。小香連丸。虛者加人參。滑者加茯苓。裏急後重。用黃連解毒湯。有食。用保和丸。日久不愈。變為休息。加減調中湯。純下血者。最重。治宜驅風涼血。

痘後痢

治痘後
九宜
此細

標本二
字臨症
者宜時
時置在
心去

小兒痘後大便膿血熱毒侵於大腸也宜四物加芩連枳殼荊芥或黃連解毒湯加生地大凡痘中瀉痢痘色無神必帶滯氣切勿認其倒靨大忌兜澀之品多致不救如嘔吐餘毒入胃也然有冷熱二症宜分別而治之心煩口渴乳食不化結聚滿而後吐吐出如射面赤手心熱喜涼飲此熱症也橘皮竹茹湯加黃連如乳食噤下隨吐面色青白手足厥冷大便自利此冷症也宜益黃散而痘後下痢熱症多而寒症少亦有傷食而嘔者必見暖氣宜木香大安丸養脾丸之類薑湯送下金鑑謂小兒出痘未愈而患痢者乃濕熱鬱於腸胃所致傷氣傷血而然也痘必黯滯無色切切作倒靨治當清熱除濕調理氣血為主白痢宜加味四君子湯赤痢四物湯赤白兼者合而用之如推蕩兜澀收斂則毒邪內漬多致不救

痘學發微云痘後瘡痢症雖不同其因相似其外感風寒則成瘡內傷生冷濕熱則成痢甚至裏急後重欲登圜者火性急速也欲便而不能者氣滯不得宣通也不外疎解運脾調和清理身熱無汗者柴葛解肌湯如挾時邪敗毒散然痘後痢疾非比尋常如痘毒鬱悶治宜降潤如痢已久又當調補如氣虛之痘又宜溫補若痢初起法當清熱解毒總在合參標本或因餘毒未盡下痢膿血

醫者審
之此見
此論得
小兒治
一百不
失

有推拿
指掌書
可一

此法甚
穩

者。惟以解毒健脾。切不可作痢治。忌用收斂斃。毒盡而痢自愈矣。不可不知。
費建中曰。餘毒者。痘後未盡之毒也。毒聚則成癰。留於脾土。下注入大腸。則下
痢惡垢。或下鮮血。宛若滯下。如膠如漆。若以痢治。則枉死矣。宜滌邪救苦湯。
小兒氣血未充。如苗萼之柔嫩。一或傷殘。無不凋謝。故但宜培植。不可妄行消
導。如果有食滯。則宜漸消。果有風寒發熱。則宜漸散。果有實火。則宜暫清。此不
得不治不標也。舍此之外。唐泄困倦等證。則悉由脾腎不足。氣血薄弱。而然。近
世醫流。但知消導。日消日剝。元氣日損。此時俗幼科之大病也。

推拿心法

雄運英曰。小兒之痢。細尋推拿。不獨驚疳積所為。冷熱數般。雖各異。寬腸調胃在
明醫。大抵陰陽不分。法當分正陰陽。

治法

推三關 六腑 清心經 和陰陽 八卦

推大腸 脾土 腎 水 揉臍及龜尾

凍膠鼻涕治法

推三關 運八卦 脾土大腸 和陰陽 天門 虎口 揉臍並龜尾

小兒不能語。啼哭不能辨者。當以手候其腹。如其貫而硬處。即是腹痛。將老薑

前七卷論各處見方已各所重之方不備存也然足為參攷之資

搗汁調麪成糊令暖塗於紙上貼臍心定然不哭
用過推拿倘或不應再服
加減黃芩芍藥湯參連散便紅丸之類
痢證滙參卷之八

主治諸方

醫門法律 喻嘉言

一活人敗毒散 治外感發熱之痢

人參 獨活 前胡 羌活 茯苓 柴胡 枳殼 桔梗 川芎 薄荷

甘草 各等分 薑三片水煎

二黃連阿膠湯 治冷熱不調下痢赤白

黃連 三錢 阿膠 一錢 茯苓 二錢 或丸亦可

三升陽益胃湯

人參 一兩 白朮 五錢 黃芪 二兩 甘草 炙 黃連 五錢 半夏 一兩 陳皮 五錢 白芍 五錢 羌活 五錢

獨活 五錢 柴胡 五錢 防風 五錢 澤瀉 三錢 為粗末每服三錢加薑棗水煎

四槐花散

槐花 青皮 荆芥 各等分 炒為末米飲下

五犀角散 治熱痢

犀角 黃連 地榆 黃芪各一兩 木香二錢五分 當歸炒 每服三錢

六 羚羊角散 治熱痢及休息痢下黑血

羚羊角二兩 黃連二兩 黃柏一兩 赤苓五錢 右為細末密丸如梧子大每

服二十九密湯下

七 生地黃湯 治熱痢不止

生地五錢 地榆七錢 炙甘草六錢 為粗末作二服水煎

八 鬱金散 治熱毒下痢血不止

鬱金 槐花各五錢 炙甘草五錢 為末密丸每服二錢淡豆豉湯送下

九 茜根散 治血痢心煩腹痛不食

茜根 地榆炒 犀角 地黃 當歸 黃芩一兩 黃連二兩 山梔五錢 豆豉五十粒

咬咀每服四錢加薤白七寸水煎服

十 寶湯 治冷痢如魚腦

黃芪四兩 熟地酒浸 人參 白朮 茯苓 當歸 半夏 白芍 官桂

五味 以上各一兩 甘草五錢 為粗末每服二錢加烏梅一枚薑三片水

煎熱服

十一 地榆芍藥湯 治冷痢膿血脫肛